

Na osnovu čl. 4.2, 4.7. i 7.5. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 57. Pravilnika o licencama ("Službeni glasnik BiH", br. 87/12 i 98/15), Državna regulatorna komisija za električnu energiju, na sjednici održanoj 25. februara 2016. godine, donijela je

ODLUKU

O UKIDANJU LICENCE ZA OBAVLJANJE DJELATNOSTI MEĐUNARODNE TRGOVINE ELEKTRIČNOM ENERGIJOM

- (1) Ukida se licenca Društvu "Repower Adria" d.o.o. Sarajevo za obavljanje djelatnosti međunarodne trgovine električnom energijom, izdata Odlukom Državne regulatorne komisije za električnu energiju broj: 28-12-235-20/11 od 19. januara 2011. godine, na zahtjev vlasnika licence.
- (2) Ova odluka stupa na snagu danom donošenja i bit će objavljena u "Službenom glasniku BiH" i službenim glasilima entiteta.

Obrazloženje

"Repower Adria" d.o.o. Sarajevo podnijelo je Državnoj regulatornoj komisiji za električnu energiju (u daljem tekstu: DERK) zahtjev, zaveden pod brojem: 05-28-14-379-3/15 od 12. januara 2016. godine za ukidanje posjedujuće licence s obzirom na namjeru Osnivača društva da likvidira Društvo, da u daljem periodu isto neće poduzimati bilo kakve poslovne aktivnosti niti da postoji dalji ekonomski interes za poslovanje Društva.

Naime, podnosiocu zahtjeva je odlukom DERK-a od 19. januara 2012. godine pod brojem: 05-28-12-235-20/11 izdata licenca za obavljanje djelatnosti međunarodne trgovine električnom energijom na period od 15. februara 2012. godine do 14. februara 2017. godine.

Polazeći od toga da je vlasnik licence slobodan da u skladu sa svojim poslovnim interesima disponira pravom da određeno vrijeme ili trajno prestane obavljati djelatnost međunarodne trgovine električnom energijom, da namjeru korištenja tog prava prijavi regulatoru, što je u smislu člana 57. stav (1) tačka a) Pravilnika o licencama i učinio izborom za ukidanje licence, priloživši uredno dokaz o prethodno izvršenoj uplati naknade za rješavanje zahtjeva i pribavljanje regulatornim pravilima propisane odluke, da na Nacrt odluke DERK-a o ukidanju licence utvrđen 27. januara 2016. godine nije prigovorio na općoj javnoj raspravi održanoj 8. februara 2016. godine i da je tako tokom cijelog postupka ustrajno potvrđivao svoju volju da licencu prestane koristiti, odlučeno je kao u dispozitivu ove odluke.

U skladu sa članom 9.2 Zakona o prijenosu, regulatoru i operatoru sistema električne energije u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema ove odluke.

Broj: 05-28-14-379-11/15
25. februara 2016. godine

Tuzla

Predsjedavajući Komisije

Milorad Tuševljak